

Txoj Kev Ua Kom Muaj Kev Ncaj Ncees Hais Txog Cov Av Ua Liaj Ua Teb Nyob Hauv California

Cov Tswv Yim Uas Cov Txwj Laus Khiav Hauj Lwm Los Ua Kom Muaj Kev Ncaj Ncees Hais Txog California Cov Av Ua Liaj Ua Teb Pom Zoo Kom Ua

Cov tswv yim uas pom zoo kom ua hais txog kev qhia kom paub ua ib yam dab tsi

Cov Ntsiab Lus Qhia Dav Dav

California muaj ib qhov teeb meem tsis ncaj ncees loj hais txog cov av ua liaj ua teb uas yuav tsum tau muab daws kom tag sai sai. Tau ntau caug xyoo lawm, coob tus neeg ua liaj ua teb thiab cov neeg saib xyuas Neeg Qhab cov av yeej tau raug txwv tsis pub ua tswv thiab tuav cov av ua liaj ua teb vim lawv yog ib haiv neeg tawv nqaij txawv, lawv yog ib pab pawg neeg txawv, lawv yog poj niam los sis txiv neej, lawv yog neeg nplua nuj los sis neeg pluag, thiab vim lawv txoj kev khiav tuaj nyob hauv lub teb chaws, nrog rau lwm yam.¹ Niaj hnuv no, txoj kev uas tsis muaj kev ncaj ncees hais txog kev ua tswv thiab kev muaj kev mus siv tau cov av ua liaj ua teb yeej phem dua yav tag los lawm vim muab cov av muag rau tsawg tus neeg tuav thiab muab muag ua lag luam, vim huab cua pauv, thiab vim cov lus tswj hwm uas muaj ntau yam nyuaj cov neeg ua liaj ua teb.²

Cov Txwj Laus Khiav Hauj Lwm Los Ua Kom Muaj Kev Ncaj Ncees Hais Txog Cov Av Ua Liaj Ua Teb Nyob Hauv California yeej yog ib cov txwj laus tsa los khiav hauj lwm tsis muaj leej twg yuav los cuam tshuam nyob rau hauv California Budget Act of 2022 (**AB 179**) los mus muab ib cov tswv yim uas lawv pom zoo kom muab tso rau hauv cov lus tswj hwm xa mus rau tus Tswv Xeev thiab Cov Txwj Laus Sau Kev Cai Lij Choj hais txog txoj kev yuav los ua kom muaj av ntau ntxiv coj luas ua qoob loo thiab coj los rau Neeg Qhab ua liaj ua teb. Qhov Dej Num Tsim kom muaj ib cov tswv yim pom zoo kom ua los ntawm ib txoj kev nrog pej xeeb koom tes uas twb muaj coob tshaj li 400 tus neeg ua liaj ua teb, cov coj ntawm cov Neeg Qhab Ib Txwm Txawm Nyob Hauv California thiab cov tswv cuab, thiab lwm cov neeg nyob thoob plaws California. Tsab ntawv nthuav qhia kawg twb yog tsab uas muab xa mus rau thaum Lub Kaum Ob Hlis 2025.

Peb yeej muab cov tswv yim uas pom zoo kom ua faib ua rau (6) ntu ntawv



Kev muab kev saib Neeg Qhab cov av thiab kev muab av rov qab rau Neeg Qhab coj los ua ib qhov tseem ceebn.



Kev muab nyiaj pab thiab muaj nyiaj txhawb zog rau txoj kev yuav av rau cov neeg ua liaj ua teb tseem ceeb thiab cov neeg uas saib xyuas Neeg Qhab cov av.



Txiav, kho, thiab muab txoj kev uas pub ib tus neeg los sis lag luam mus yuav av ua liaj ua teb ntau thim rov qab.



Txuag California cov av ua liaj ua teb thiab muab txoj kev ncaj ncees hais txog kev siv thiab kev saib xyuas av coj los ua qhov tseem ceeb.



Tiv thaiv thiab muab txoj kev yuav tau av ntev coj los ua qhov tseem ceeb.



Txhawb txoj kev ua liaj ua teb hauv cov nroog loj.

Kev ncaj ncees hais txog cov av ua liaj ua teb yog thaum cov neeg ua liaj ua teb tseem ceeb thiab cov neeg saib xyuas Neeg Qhab cov av muaj kev mus yuav tau av, muaj cov av uas nqi pheej yig thiab yog av zoo rau lawv tuav thiab cog khoom noj, cov khoom muaj fiber, tshuaj, thiab ua raws li tej kab lis kev cai uas yuav tsis muaj kev txiav, muaj txoj kev uas ib cov neeg muaj ntau tshaj ib cov, los sis muaj txoj kev siv tsis raws txoj cai.

Cov neeg ua liaj ua teb tseem ceeb thiab cov neeg uas saib xyuas Neeg Qhab cov av yog cov tib neeg uas tau raug kev txwv ntawm txoj kev ua tswv av thiab txoj kev tuav tau av ntev rau kev ua liaj ua teb thiab rau Neeg Qhab siv zoo li yav tag los thiab los ntawm kev khiav hauj lwm.

Cov tswv yim uas pom zoo kom ua hais txog kev qhia kom paub ua ib yam dab tsi

Kev ua tau kom muaj kev ncaj ncees hais txog cov av ua liaj ua teb yeej yog ib qhov uas yuav tsum tau muaj kev sib raug zoo nrog cov av uas tsis muaj kev pauv thiab muaj kev ruaj khov thiab muaj cov lus tswj hwm uas yuav ua kom muaj lag luam ntev ntev mus. Kev muaj kev qhia kom paub ua ib yam dej num yeej yog ib qhov tseem ceeb rau qhov ntawm no. Thaum Cov Txwj Laus khiav hauj lwm, cov neeg ua liaj ua teb tseem ceeb thiab cov neeg saib xyuas Neeg Qhab cov av yeej tau qhia hais tias txoj kev muaj kev qhia kom nrhiav tau, kom yuav tau, thiab kom nyob tau ntawm cov av ntev ntev mus yeej yog qhov tseem ceeb tshaj. Cov kev pab uas muaj rau tej yam dab tsi yeej yog suav kev pab rau kev nrhiav av, kev ua raws txoj cai, thiab nyiaj txiag hais txog kev ua raws nraim li cov lus tswj hwm; thiab kev txhawb hais txog kev cais av thiab txoj kev yuav tsum tau muaj ntawv tso lus.

Hauv qab no yog ib cov tswv yim pom zoo kom ua uas npaj coj los pab kom mus siv tau cov kev qhia kom paub ua ib yam dab tsi. Yog xav paub ntau tshaj qhov no, suav nrog rau cov tswv yim sib txhawb uas pom zoo kom ua thiab txoj kev nkag siab txog qhov hais tias yuav ua li cas es thiaj li yuav muaj kev ncaj ncees hais txog cov

av ua liaj ua teb, thov nyeem **tsab ntawv nthuav qhia uas muaj tag nrho cov lus**.

1.1.b Siv qhov nyiaj Ancestral Land Return Fund coj los pab cov neeg uas yuav muab av rau hais txog:

- Txoj kev muab cov av uas muaj nqi them pauv mus ua cov av uas ib lub koom haum tuav (trust land).
- Kev ua cov ntawv ua tswv av, npe ua tswv av, cov cai siv dej, cov kev npaj ua ntej hais tias saib yuav cia leej twg los tuav mus ntxiv, thiab cov koom haum tuav av, uas muaj cov kev pab cuam tshuam rau txoj kev yuav cov av uas muaj ntau ntau tus tswv.

2.1.b Siv qhov nyiaj Restorative Land Fund coj los pab cov neeg uas yuav muab av rau hais txog:

- Kev ua cov ntawv ua tswv av, npe ua tswv av, cov cai siv dej, cov kev npaj ua ntej hais tias saib yuav cia leej twg los tuav mus ntxiv, thiab cov koom haum tuav av, uas muaj cov kev pab cuam tshuam rau txoj kev daws cov teeb meem hais txog kev ua tswv av ntawm cov me nyuam.
- Kev npaj kom muaj kev ua lag luam thiab kev tswj hwm kom tsim nyog, suav nrog rau qhov kev koom tes thiab lub zej zos txoj kev ua tswv av.

2.7.a Muaj nyiaj rau cov chaw los sis neeg qhia kom paub ua ib yam dab tsi uas lawv pab cov neeg ua liaj ua teb tseem ceeb thiab cov neeg uas saib xyuas Neeg Qhab cov av:

- Muab tswv yim thiab lus qhia hais txog kev muag av thiab kev yuav av ua liaj ua teb.
- Muaj kev pab rau kev ua raws txoj cai thiab kev qhia kom paub ua ib yam dab tsi hais txog kev ua cov ntawv ua tswv av, npe ua tswv av, thiab cov cai siv dej; kev npaj ua ntej hais tias saib yuav muab cov av ua liaj ua teb thiab lub lag luam ua liaj ua teb rau leej twg tuav ntxiv mus; kev tsa cov lag luam thiab cov koom haum tuav av; kev daws cov teeb meem hais txog kev ua tswv av ntawm cov me nyuam thiab kev tuav cov av ntxiv mus; thiab kev daws cov teeb meem ntawm txoj kev yuav tuav tau av ntev ntev mus.
- Cov kev pab uas ua rau cov tswv av thiab cov neeg nrhiav av sib nrhiav tau.

2.7.c Ua kom muaj cov neeg qhia kom paub ua ib yam dab tsi ntau ntxiv koj los pab cov neeg ua liaj ua teb tseem ceeb thiab cov neeg saib xyuas Neeg Qhab cov av kom pab tau zoo, pab tau txhua, thiab pab tau muaj kev ncaj ncees los ntawm txoj kev muab nyiaj them cov kev pab uas:

- Muaj hais ua ntau ntau yam lus, muaj kev muab tej kab lis kev cai saib muaj nuj nqi, suav nrog rau kev pab hauv khoom hluav tawv xob, thiab yeej pab raws nraim li qhov uas tej thaj chaw xav tau.
- Pab cov neeg ua hauj lwm ua liaj ua teb thiab cov neeg ua liaj ua teb uas nyuam qhuav pib ua thiab cov neeg saib xyuas Neeg Qhab cov av hauv txoj kev pauv tswv ntawm lag luam ua liaj ua teb thiab kev khiav lag luam ua liaj ua teb.
- Suav nrog rau txuj ci thiab kev pab rau kev koom tes ntawm cov neeg ua liaj ua teb thiab cov neeg ua hauj lwm ua liaj ua teb uas yeej yog tswv thiab yog neeg saib xyuas av ua ke.

4.2.e Muab nyiaj pab txoj kev tsim thiab kev khiav cov kev qhia kom neeg paub ua cov koom haum tuav av, cov chaw tuav dej num pab pej xeem, cov neeg uas yuav txheeb xyuas hais tias saib ib thaj av yog ntaus nqi ntau npaum li cas (appraisers), cov tuam txhab txais nyiaj, thiab cov neeg los sis chaw npaj kev qhia kom paub ua ib yam dab tsi uas:

- Qhia kom paub npaj cov txuj ci los sis khoom siv uas yuav muaj txiaj ntsim rau cov neeg ua liaj ua teb tseem ceeb thiab cov neeg uas saib xyuas Neeg Qhab cov av.
- Ua kom muaj kev muab tej kab lis kev cai saib muaj nuj nqi, tshwj xeeb tshaj yog thaum pab cov Neeg Qhab Meskas Uas Ib Txwm Txawm Nyob Hauv California.


5.1.d Npaj kom muaj nyiaj txiag rau thiab kom muaj kev pab rau kev ua raws txoj cai, kev qhia kom paub ua ib yam dab tsi, thiab kev daws teeb meem rau cov neeg ua liaj ua teb tseem ceeb thiab cov neeg saib xyuas Neeg Qhab cov av uas tus nqi pheej yig los sis dawb, suav nrog rau cov kev pab rau kev sau ntawv cog lus thiab rau kev tsim kom muaj kev sib raug zoo thiab kev sib tham kom ob tog pom zoo.

5.3.a Tsa thiab ntiav neeg los tuav txoj hauj lwm Ag Ombuds nyob hauv cov chaw tuav dej num pab pej xeem thiab tsis yog chaw saib xyuas saib neeg puas ua raws nraim li txoj cai, zoo li University of California Cooperative Extension (UCCE) los sis Resource Conservation Districts.

5.4.b Yuav tsum tau muaj cov lus tswj hwm kom tag nrho cov chaw saib xyuas saib neeg puas ua raws nraim txoj cai, npaj muaj cov kev qhia kom paub ua ib yam dab tsi rau cov neeg ua liaj ua teb tseem ceeb thiab cov neeg uas saib xyuas Neeg Qhab cov av kom lawv ua tau raws nraim li txoj cai.

Muab Cov Lus Uas Siv Nyob Hauv Tsab Ntawv Nthuav Qhia Ntawm No Qhov Twg Los

- 1 California Department of Food and Agriculture. (2020). "2020 Report to the California Legislature on the Farmer Equity Act." Last accessed Feb. 26, 2026 from <https://www.cdfa.ca.gov/farmerresources/pdfs/2020FarmerEquityReport.pdf>
- 2 O'Connor, Teresa. (2024). "What the 2022 Census of Agriculture confirms about California." American Farmland Trust. Last accessed Oct. 2, 2025 from <https://farmland.org/2022-census-of-agriculture-california/>



Neeg yeej mus nrhiav tau tsab ntawv nthuav qhia muaj tag nrho cov lus uas hais ua lus Askiv, cov ntawv nthuav qhia uas muaj cov ntsiab lus hais ua ntau yam lus, thiab cov lus qhia ntxiv hais txog cov txwj laus Task Force nyob saum huab cua (online) nyob ntawm: bit.ly/ALETF-about